

telemach
FONDACIJA



**Godišnji
izvještaj**

2022.

Sadržaj

Sažetak	3
Naši programi	5
Job Lab - Vještine za budućnost	6
Partnerstvo s Elektrotehničkim fakultetom u Sarajevu	13
Podrška kulturi i umjetnosti	16
Dugoročne tradicionalne aktivnosti	17
Donacije internetai televizije	19
Prisutnost u medijima	20
REALIZOVANI PROJEKTI U 2022. - Financijski pregled	21
Planovi i ciljevi za 2022. godinu	22

Sažetak:

Kompanija Telemach je osnovala Telemach fondaciju 2017. godine. Telemach fondacija je posvećena realizaciji strateških programa čije su osnovne vrijednosti zasnovane na uvjerenju da znanje, informacije i plemenitost mogu promijeniti svijet. Ove vrijednosti kao i zajednički ciljevi su u fokusu djelovanja Fondacije i njenog nastojanja da kroz to djelovanje bude pokretač pozitivnih trendova u Bosni i Hercegovini.


Imajući navedeno u vidu, Telemach fondacija promovira razvoj obrazovanja i zaštitu životne sredine osiguravajući finansijsku i stručnu podršku za inovativne projekte i inicijative.

Mi u Telemach fondaciji prvenstveno vjerujemo da ulaganje u znanje i razvoj vještina mladih direktno doprinosi dobrobiti cijelog društva. Zbog toga smo odlučili podržati razvoj i realizaciju programa koji doprinose razvoju obrazovanja.

1. Job Lab - Vještine za budućnost nastao je kao ideja da kroz program karijernog savjetovanja motiviramo učenike/ce srednjih škola i njihove profesore/ce da kroz proaktivan pristup sebi i svom profesionalnom rastu i razvoju danas, već sutra krenu stazama uspješnih i ostvarenih profesionalaca. Četvrti ciklus programa je završen krajem 2022. godine i etabliran je kao vrhunski program za mlade. Ovaj program edukacije mladima omogućava da se upoznaju sa tržištem rada, neophodnim vještinama koje tržište rada zahtjeva te strategijama za izgradnju tih vještina.

2. Programi koji doprinose razvoju obrazovanja na univerzitetima u BiH kroz: (1) stratešku saradnju s fakultetima, (2) otvaranje stručnih laboratorija za praktičnu nastavu, (3) radionice za studente koje prate najnovije trendove u različitim tehničkim područjima uz nagrađivanu ekipu iz United Cloud-a, (4) organizaciju savremenog Hackathon takmičenja koje je za cilj ima pronalazak društveno korisnih digitalnih rješenja za poboljšanje kvalitete života građana u BiH.

Pored toga, ne smijemo izostaviti podršku projektima koje iniciraju studentska udruženja, a koje smo sa zadovoljstvom podržali i u 2022. godini.



Dok sagledavamo širu sliku, nastojimo kreirati i provesti programe koji će trajati i koji će biti prilagođeni potrebama naših zajednica u vremenu koje dolazi.

3. „Program regionalnih grantova“ predstavlja platformu za dodjelu nepovratnih novčanih sredstava udruženjima građana za realizaciju obrazovnih projekata i projekata zaštite životne sredine u malim zajednicama u BiH. Zasnovana na principima transparentnosti i jednakih prilika, ova platforma omogućava uspostavljanje dugoročnih odnosa povjerenja i partnerstava, a sve s ciljem ostvarivanja rezultata održivog lokalnog razvoja. Program je pilotiran u 2022. godini i predstavlja primjer dobre prakse u BiH koji značajno doprinosi razvojnoj filantropiji. U 2022. godini, podržano je 12 projekata udruženja građana.

Pored navedena tri glavna programa, Telemach fondacija nastoji biti prisutna i kroz druge aktivnosti i projekte koji su bitni za lokalne zajednice. Među ovim dodatnim aktivnostima vrijedno je istaći brigu o zdravlju naših sugrađana/ki i ranjivih kategorija kroz aktivno učešće u kampanji Race for the Cure, pružanje kontinuirane podrške radu roditeljske kuće, te učešće u najvećoj humanitarnoj akciji za podršku mladima sa poteškoćama i obrazovanju – Diplomatskom zimskom bazaru. Filantropsko djelovanje uključuje i poklon usluga Telemach kompanije koje do sada koristi preko 300 škola, udruženja i vjerskih zajednica.

U 2023. godini ćemo sa istim žarom, energijom i voljom nastaviti raditi i dalje, prvenstveno s ciljem da provođenjem naših strateških ciljeva pozitivno utičemo na zajednice u kojima djelujemo.

Naši programi

Naši programi se baziraju na činjenici da je naša obaveza kao društveno odgovorne kompanije ulagati u društvo kroz kreiranje i implementaciju alata koji podržavaju održivi razvoj. Na ovaj način zajednice dobijaju priliku da unaprijede svoju budućnost, ali i budućnost cjelokupnog društva.



Job Lab - Vještine za budućnost

Telemach fondacija već šest godina aktivno radi na razvijanju programa za sticanje životnih vještina (eng. soft skills) mladih u BiH, kako bi oni postali konkurentni na tržištu rada budućnosti, a samim time i doprinijeli razvoju našeg društva.

Kontinuiranim ulaganjem i stvaranjem prilika za mlade uz animiranje ostalih aktera u lokalnim zajednicama možemo postići to da Bosna i Hercegovina postane izbor budućnosti današnjih mladih generacija.

Job Lab - Vještine za budućnost program je namijenjen učenicima i učenicama srednjih škola i provodi se u partnerstvu s Inkubatorom društvenih inovacija „Munja“ od 2021. godine. Cilj ovog programa je pružiti priliku mladim osobama širom BiH da sagledaju mogućnosti svog daljeg karijernog razvoja i alternativu odlasku iz BiH.

Svi učesnici/ce ostaju povezani u virtualnoj Job Lab zajednici koja im omogućava umrežavanje te redovno informisanje o prilikama i stipendijama kako lokalno tako i šire.

Šta je uređeno u toku 2021. i 2022. godine:

- Održano je 25 Job Lab radionica
- Učestvovalo je preko 1400 učenika/ca iz više od 100 srednjih škola širom Bosne i Hercegovine.
- Provedene su 2 online radionice za 200 profesora/ca kako bi ih upoznali s metodologijom razvoja vještina, a koja se može integrisati u redovni plan i program.
- Organizovane su 3 studijske posjete kompaniji Telemach za 60 najuspješnijih polaznika/ca.

Više od **1400** mladih je učestvovalo Job Lab programu, koji su pokrenuli Telemach fondacija i IDI Munja u saradnji sa srednjim školama u preko 50 gradova širom BiH.

Rezultati mjerenja na početku i na kraju radionice ukazuju da se nakon završetka radionice **85%** učesnika/ca osjeća motiviranije za lični napredak.


U 2022. godini zabilježen je porast od **77%** u broju prijavljenih učesnika/ca u odnosu na 2021. godinu




Šta su mladi rekli o Job Lab programu:

- Najbitnije mi je bilo to što smo otkrili svoj X faktor i načine na koje možemo ostvariti svoje ciljeve.
- Što sam saznao za stranice i ostale resurse iz kojih mogu potražiti razne prilike za sebe.
- Čast mi je da sam bila na ovoj radionici. Hvala vam što ste nam pružili priliku da uradimo nešto dobro za sebe i postanemo bolji i uspješniji ljudi.
- Mislim da mi je ova radionica pomogla da radim na svom ličnom ravnnju.
- Edukacija je bila zanimljiva i smatram da je neophodna za mlade kako bismo lakše došli do zaposlenja.
- Cijela radionica mi je bila zanimljiva, ali mi se najviše svidjelo to što smo imali priliku razmjenjivati iskustva s drugim vršnjacima.

Zadovoljstvo Programom





Program regionalnih grantova 2022.

Program regionalnih grantova predstavlja platformu koja pruža priliku udruženjima građana u malim zajednicama da postignu održive rezultate poboljšavajući kvalitetu života lokalnog stanovništva. Fokus je na područjima obrazovanja, zaštite životne sredine te promociji zdravih stilova života i razvoju turizma.

Za realizaciju pilot Programa regionalnih grantova u 2022. godini bila je potrebna znatna organizacija u fazi pripreme, objavljivanja poziva, odabira najboljih projekata te praćenja njihove realizacije. Na javni poziv objavljen u martu 2022. godine prijavilo se ukupno 55 udruženja. Nakon prvog tehničkog odabira, 43 projekta su prošla u drugi krug evaluacije. Konačnu odluku o financiranju 12 projekata, utemeljenu na objektivnim kriterijima, donio je stručni žiri u sastavu Hajdi Mostić, predsjednica Upravnog odbora Telemach fondacije, Vesna Bajsanski-Agić, izvršna direktorica Fondacije Mozaik, Ivana Erić, novinarka N1 televizije, Vedran Šimunović, direktor Intera tehnološkog parka, Maida Bilal, direktorica Fondacije Krug života Kruščica i Kristina Šešlija, aktivistica sa dugogodišnjim iskustvom u vođenju nevladinih organizacija.



Udruženje za afirmaciju pozitivnih vrijednosti "ILMI BATIN" Bihać Street workout park u Varešu

U septembru 2022. godine okončani su radovi na izgradnji Street workout parka u Varešu koji je predat građanima na besplatno korištenje. Park sa fitness spravama za vanjsko vježbanje nalazi se na lokaciji "mali park" i prvi je park ovog tipa u Varešu.

„Željeli smo napraviti i nešto što će moći koristiti kako omladina tako i građani starije životne dobi koji zbog nedostatka vremena i finansijskih sredstava nisu u mogućnosti upražnjavati ovakvu vrstu sporta. I zadovoljstvo nam je bilo vidjeti oduševljenje kod prvih korisnika parka. Zahvalnost iskazujemo Telemach fondaciji koja je naš projekt finansijski podržala kroz Program regionalnih grantova, ali i koja je prepoznala značaj i potrebu da se investira u razvoj manjih lokalnih zajednica“, poručila je Amra Bešić iz Udruženja "Ilmi batin".

Klub ekstremnih sportova "Crni vrh" Bosanski Petrova Zaštita izvora pitke vode "Daćino vrelo"

U oktobru 2022. godine završeno je čišćenje i zaštita izvorišta pitke vode „Daćino vrelo“ čija je voda prošla analizu i dobila potvrdu da je sigurna za piće. Pored izvorišta koje sada građani mogu sigurno koristiti, uređeno je i izletišta koje se nalazi na istoj lokaciji. Volonteri i institucije iz lokalne zajednice su bili uključeni u krčenje i čišćenje izletišta te je postavljena nastrešnica sa ognjištem da bi se spriječile štete koje mogu nastati paljenjem vatre.

„Naš klub je iza sebe ostavio još jedno dobro za lokalnu zajednicu u kojoj živimo i njene stanovnike. Iako smo Udruženje kojem je prioritet ekstremni sport, trudimo se i dajemo od sebe maksimum da zaštitimo prirodu i njena bogatstva, te ih ostavimo generacijama koje dolaze. Zahvaljujući ovom projektu koji je realizovan s Telemach fondacijom s ponosom možemo da kažemo, da nam to i uspijeva“, rekla je Sanja Stojanović, predsjednica Kluba.

Udruženje građana "Eho", Bileća

Klub muzike omladine

Od septembra do decembra 2022. godine realizovana je nastava muzike za 50 polaznika koju su vodile tri profesorice muzike. Za potrebe realizacije nastave reparirana su dva klavira, kupljene tri gitare, 15 flauta te paketi udaračkih instrumenata. Rezultati projekta su omogućili da Udruženje pokrene kampanju javnog zagovaranja za otvaranje muzičke škole u Bileći. 25. 12.2022. godine polaznici škole muzike su stečene vještine predstavili publici na Novogodišnjem koncertu.

„Projektom „Klub muzičke omladine“ vratili smo u Bileću muzičku nastavu, pokazali kapacitete opštine da podrži ponovno otvaranje muzičke škole u gradu, utvrdili veliku zainteresovanost roditelja, djece i lokalne samouprave da u Bileći ponovo postoji muzička škola. S Telemachovim Regionalnim grantom, koji smo imali čast dobiti i sprovesti, počela je u Bileći jedna izvrsna priča koja će u budućim godinama stvarati bolje uslove za život u ovom gradu i unaprijediti šanse i mogućnosti za obrazovanje mladih i za dostojanstven kulturni život cijele lokalne zajednice“, istakao je Lazar Gnjata ispred Udruženja.

Udruženje građana Centar za ekologiju i održivi razvoj-C.E.K.O.R., Kakanj

Izgradnja solarnog drveta i promocija energetske efikasnosti

U novembru 2022. godine, u Eko učionici Srednje tehničke škole "Kemal Kapetanović" u Kaknju postavljeno je solarno drvo koje će se koristiti za realizaciju praktične nastave. Ovo solarno drvo je tako postalo bitan resurs dualnog obrazovanja koje će koristiti i ostale tri srednje škole u Kaknju.

„Zahvaljujući Telemachovom Programu regionalnih grantova 2022, mladi naraštaji Kaknja su dobili priliku učiti kroz praktičnu nastavu o obnovljivim izvorima energije. Cilj projekta je bio da se među mladima osigura kontinuirana promocija alternativnih izvora energije kao bitnog dijela očuvanja životne sredine. Nakon postavljanja drveta, dvije

grupe od 60 učenika/ca su prošle kroz edukaciju. Dodatno, 40 predškolaraca je također sudjelovalo u radionicama prilagođenim njihovom uzrastu. Na ovaj način smo uključili i najmlađi uzrast naših sugrađana da uče o čuvanju prirode, energiji i kako je možemo odgovorno trošiti te tako zaštititi planetu Zemlju“, rekao je Elmir Delibašić, predsjednik

Biciklistički klub "TAJAN" Zavidovići

"Mapiranje biciklističke staze Klek - Spomenik prirode Tajan"

Ljetni mjeseci 2022. godine protekli su u uređenju biciklističke staze koja je svakako doprinijela da turistička ponuda općine Zavidovići bude potpunija. Ukupno su obilježena 22km staze koja ide preko planine Klek te su postavljene informativne table sa preciznim detaljima o svemu onome što se na ovoj stazi može vidjeti i što je bitno za sve korisnike. Posljednja aktivnost projekta je uključivala promotivnu vožnju ljubitelja biciklizma.

„Razvoj turizma zavisi od više faktora, a jedan od najbitnijih faktora je postojanje adekvatne signalizacije, naročito kada su u pitanju staze u prirodi i na mjestima koja su manje dostupna i rjeđe posjećena. Zahvaljujući Programu regionalnih grantova 2022. uredili smo biciklističku stazu koja je sada prva obilježena staza na području grada Zavidovića. Staza je već do sada privukla mnogo novih korisnika, a utisci biciklista iz desetak općina koji su prisustvovali otvaranju ove biciklističke staze su pravi pokazatelj da je projekt ispunio svoja očekivanja“, rekao je Admir Hadžić, ispred Kluba.

Udruženje "Kalem", Gornji Vakuf Uskoplje

Park prirode „Kalemovo jezero“

Od augusta do novembra 2022. godine provedene su aktivnosti Udruženja koje su rezultirale uređenjem Parka prirode „Kalemovo jezero“. Zahvaljujući angažmanu volontera iz lokalne zajednice i uposlenika kompanije Telemach, izvršeno je čišćenje lokaliteta uključujući i divlju deponiju te postavljanje šadrvana i rekvizita za sport koji su sada na raspolaganju posjetiteljima. Pored ovih radova, Udruženje je provelo i edukaciju preko 40 mladih osoba, a na teme koje se tiču očuvanja prirode.

„Zahvaljujući projektu koji je Telemach fondacija prepoznala i podržala, riješili smo problem nedostatka izletišta na području naše MZ, kao i cjelokupne općine Gornji Vakuf - Uskoplje, što dokazuju svakodnevne posjete našoj lokaciji, od najmlađih do onih najstarijih u kojima smo probudili neke davne i zaboravljene uspomene na Kalemovo jezero. Iskoristili smo priliku koju nam je pružila priroda u mjeri koju nam ona sama dopušta i vratili smo nekadašnju ljepotu izletištu. Vratili smo naše komšije u prirodu čime smo im dokazali da nam je stalo do nje, a kroz edukacije smo upoznali našu omladinu kako se treba ophoditi prema okolišu. Na kraju, počeli smo s kreiranjem turističke atrakcije koja će u narednim godinama biti poznata cijelom našem regionu“, istakao je Ahmed Šabanović, ispred Udruženja.

Udruženje građana “Korijeni” iz Ugljevika

Majeвица u srcu

Od jula do septembra 2022. godine, Udruženje „Korijeni“ iz Ugljevika je provelo niz aktivnosti koje su za cilj imale uređenje lokaliteta i promociju domaće poljoprivredne proizvodnje. Tako su provedene edukativne radionice za 40 mladih osoba na temu razvoja turizma u ruralnim područjima te je izrađen Vodič za registraciju seoskog domaćinstva radi pružanja usluga seoskog turizma. Projektom je osigurana i sanacija izvorišta „Česme“ u MZ Tutnjevac kao i uređenje 1.500 m² okolnog prostora, dok je uz samo izvorište postavljen mobilijar za turiste.

„Zahvaljujući ovom projektu, uspjeli smo urediti lokacije za provođenje slobodnog vremena mladih i boravak cikloturista. Završna aktivnost projekta je bila Biciklijada Via Majeвица II 2022 koja je okupila 65 biciklista iz naše, ali i iz susjednih nam opština i gradova. Na biciklijadi je bila okretna stanica na izvoru Česme gdje je podijeljeno svježe i suvo voće koje se uzgaja na MajeVICI. Takođe, na samom kraju u centru opštine Čelić upriličen je doček za bicikliste i postavljeni

su štandovi sa domaćim poljoprivrednim proizvodima i domaćim jelima autentičnim za podneblje Majevice čime je na najefikasniji način promovisana domaća poljoprivredna proizvodnja, a i prirodne ljepote našeg kraja“, rekao je Aleksandar Krstić, predsjednik Udruženja.

Udruženje građana likovnih stvaralaca Uliks Derventa

U toku mjeseca jula, u okviru tradicionalne međunarodne Likovne kolonije na Ukrini 2022., organizovana je škola slikanja za djecu. Likovna kolonija je inače posvećena rijeci Ukrini i zaštiti prirodnog fenomena vodenog cvijeta.

„Kolonija je i ranijih godina organizovala dnevne radionice slikarstva, ali nikada kao 2022. godine kada je svih dana kolonije održavana škola slikanja za djecu. Tokom škole slikanja njih 20 je upoznato s tehnikom slikanja dok je kod dvoje djece prepoznat izrazit talenat. Roditeljima djece je prezentovan njihov trud i skrenuta pažnja na djecu koja bi mogla da imaju perspektivu u ovom dijelu umjetnosti“, rekao je Bogdan Saša, predsjednik Udruženja.

NVO “Mi volimo Čajniče” Čajniče

EDU šumski centar

U septembru 2022. godine kroz projekt je uspostavljen model kvalitetne eko edukacije. Projektom je obuhvaćeno 100 djece iz osnovne škole u Čajniču, a sve sa ciljem da se kroz edukaciju najmlađih, spriječi dalji gubitak biološke raznolikosti šume.

„Proveli smo infrastrukturne, edukacijske i volonterske aktivnosti – napravili jednu učionicu u šumi koja djeci omogućava da iskustveno uče o prirodi i njenoj zaštiti, proveli edukacije za osnovnoškolce i očistili šumski lokalitet. Poslužilo nas je i lijepo vrijeme tako da je krajnji rezultat bio odličan. Prema izjavama djece, razrednih starješina i direktora škole edukacija je bila pravi pogodak“, sa zadovoljstvom je istakao Miloš Laković, predsjednik Udruženja.

Stolačka udruga mladih

STEM lab Stolac

U drugoj polovini 2022. godine, u Stocu je realizovan projekt kojim je informatička nauka postala dostupna većem broju djece. Provedene zabavne i kreativne edukacije su djeci i mladima ponudila proces učenja kako bi ih se potencijalno pripremila za karijeru u polju informacijske tehnologije, ali i zbog toga da bolje razumiju svijet novih tehnologija. Održane su 3 različite radionice za 28 polaznika u ukupnom trajanju od 50 sati te je organizovana studijska posjeta Tehnološkom parku „Intera“ Mostar u okviru koje su održana dva predavanja na temu „Tehničke profesije u industriji“ i „Kako pokrenuti vlastiti start-up“ za 34 učenika/ce.

Darko Jarak, predsjednik Udruge je s nama podijelio izjavu Filipa Krnjića, polaznika STEM lab-a: „U svom formalnom obrazovanju nemamo inovativne načine poučavanja pa je postojanje ovakvih izvannastavnih aktivnosti i projekata jedina prilika da se uključimo u suvremene načine učenja. U STEM labu smo se napokon oslobodili pritiska koliko odgovora moramo znati i dobili smo priliku viditi učinak našeg rada“.

Udruženje građana Fojničani, Maglaj

Naučno-istraživački kampovi za nova zaštićena područja prirode u BiH

U toku augusta i septembra su realizovana dva naučno istraživačka

kampa: Kamp „Mokra Megara 2022“ i Kamp na Matinskom visu. Zahvaljujući ovim kampovima istražena je flora, fauna i fungija te izvršen monitoring svih vrsta koje obitavaju na određenim područjima, s fokusom na rijetke i ugrožene vrste.

„Kao što smo već naveli, rezultati kampova su izvrsni i učesnici su veoma zadovoljni, a zvanični izvještaji koji su dostavljeni će biti važan segment stručnih obrazloženja za zaštitu Matinskog visa i Mokre Megare. Otkriveni su značajni nalazi koji govore u prilog inicijativi da se ova područja proglašaju zaštićenim u jednoj od međunarodno priznatih kategorija. U najmanju ruku, svi sudionici su složni da ova područja apsolutno zaslužuju pažnju javnosti“, istakao je Goran Antunović, predsjednik Udruženja.

Centar za promociju održivog razvoja Berkovići

Nabavka mobilijara za dječije igralište

U decembru 2022. godine otvoreno je dječje igralište u naselju Viduša, koje je ujedno i najveće naselje opštine Berkovići. U njemu živi preko 150 djece do 14 godina koja će da koriste postavljeni mobilijar i svakodnevno se igraju i družu. „Kao najveći uspjeh ovog projekta izdvajamo dječji osmjeh. Naime, realizacijom ovog projekta veliki broj djece naselja Viduša svoje slobodno vrijeme provodi u dječijem parku družući se sa svojim vršnjacima, čime se poboljšao društveni život ovih mališana“, istakao je Miloš Šetka, ispred Udruženja.

Partnerstvo s Elektrotehničkim fakultetom u Sarajevu

Telemach fondacija vjeruje da je ulaganje u mlade, njihov razvoj i osposobljavanje za tržište rada ulaganje u čitavo društvo. Uzimajući u obzir globalne tokove i razvoj tehnologije, akcent našeg partnerstva sa tehničkim fakultetima smo stavili na podršku razvoju obrazovanja, kako bi studenti dobili iskustvenu obuku i stekli praktične vještine koje razvijaju njihovu strast i interese jer su upravo mladi i talentovani studenti/ce snažan partner u vođenju promjena i razvoju ekonomije našeg društva.

U oktobru 2022. godini smo tako, u saradnji sa Elektrotehničkim fakultetom u Sarajevu i uz podršku United Cloud-a, organizovali prvi GOOD HACKathon 2022 kako bi studentima/cama prvog i drugog ciklusa tehničkih fakulteta u BiH pružili šansu da primjene stečena tehnička znanja i razviju vještine koje su neophodne za konkurentnost na tržištu rada dok u isto vrijeme svojim učešćem i angažmanom stvaraju digitalna rješenja za dobrobit zajednice.

Ovo 24-vero satno takmičenje je ponudilo jedinstvenu priliku za 56 studenata/ca (15 timova) koji su prošli u takmičarski dio, da kroz timski rad, koristeći raspoloživa znanja, vještine i resurse prave koncept za razvoj inovativnih digitalnih rješenja za uočene izazove u oblasti obrazovanja, ekologije i/ili javne uprave.

Evaluacija GOOD HACKathon-a je pokazala da su učesnici/ce prepoznali njegov potencijal - studenti i studentice su bili potaknuti na kreativno razmišljanje kako bi vlastitim doprinosom uticali na povećanje kvalitete života građana/ki BiH. Kako su teme bile usko vezane za sektore kojima upravlja lokalna vlast, ovo je ujedno bio i dobar primjer na koji način visokoškolske ustanove, lokalne samouprave i ostali relevantni akteri mogu razviti okvir kolaboracije u pravcu digitalne transformacije.

Predložena kreativna i inovativna rješenja ocjenjivao je žiri stručnjaka sa Elektrotehničkog i Ekonomskog fakulteta, IT stručnjaka iz javne uprave i United Cloud, te predstavnici Telemach fondacije.

Prvo mjesto osvojila je ekipa „ZOI Code 84“, sa prijedlogom platforme „rijesi.ba“, kroz koju bi stanovništvo nominovalo i prijavljivalo probleme iz lokalne zajednice koje treba rješavati kroz otvorenu i transparentnu aplikaciju, te se omogućila selekcija prioriteta za rješavanje prema ocjenama građana. Oni su, osim individualnim novčanim nagradama u vrijednosti od 500 KM po članu tima, nagrađeni i posjetom United Cloud-u koji djeluje u okviru United Grupe. Drugo mjesto je zauzela ekipa SPES, dok su trećeplasirani bili članovi tima KND, koji su isto tako osvojili novčane nagrade.


„Ovo takmičenje je zaista odlična prilika da prezentujemo svoje znanje i pokažemo našu inovativnost uz izvrsnu organizaciju i inspirativno okruženje, ali i da pokušamo pomoći našim sugrađanima kroz rješavanje konkretnih problema sa kojima se susrećemo. Posebno nas raduje činjenica da smo, kao prvonagrađeni tim, posjetili United Cloud i upoznali se s njihovim radom i resursima s kojima raspolažu. Bilo je to nezaboravno druženje i novo iskustvo i za nas“, istakao je Nihad Jusović, student iz prvoplasiranog tima.






Saradnja sa Elektrotehničkim fakultetom u Sarajevu je rezultovala da kompanija Telemach zajedno sa Telemach fondacijom podrži ICAT 2022., najstariju naučnu konferenciju u BiH iz oblasti elektrotehnike i računarstva koja se organizuje od 1973. godine i ima zavidnu tradiciju i na internacionalnom nivou.

Kako smo posvećeni sveukupnom napretku BiH, podrška ovakvom naučnom skupu, na kojem su jedna od tema komunikacijske i informacione tehnologije je samo još jedna potvrda naše posvećenosti društveno odgovornom poslovanju.

Tokom tri dana konferencije predstavljeno je oko 40 originalnih naučnih radova za više od 100 aktivnih učesnika iz BiH i svijeta.



Sarajevo Innovation Festival powered by Telemach fondacija je smotra studentskih radova iz oblasti elektrotehnike, informacionih tehnologija, mašinstva i drugih srodnih oblasti. Telemach fondacija već tradicionalno podržava ovu značajnu manifestaciju koja afirmiše studente u oblasti tehničkih inovacija, a ove godine je postala i zvanični partner Asocijacije studenata elektrotehničkog fakulteta u Sa „STELEKS“, organizatora smotre. Zahvaljujući ovom partnerstvu, Telemach fondacija pruža i mentorske usluge članovima/članicama Asocijacije kako bi sam Festival širio svoje okvire djelovanja i uticaja.




Podrška kulturi i umjetnosti

Udruga „Rezon“ i Street Art Festival Mostar

Telemach fondacija je 2022. godine prepoznala i podržala Udrugu „Rezon“ iz Mostara, koja već 11 godina realizuje „Street Art Festival Mostar“ te na taj način, okupljajući umjetnike iz cijelog svijeta, pretvara grad Mostar u najveću umjetničku galeriju u BiH. Zahvaljujući ovom partnerstvu koje će se nastaviti i u 2023. godini, nastojimo ostvariti naš cilj ulaganjem u mlade, gradeći prosperitet našeg društva. Istovremeno podržavamo Udrugu 'Rezon' u ostvarenju njihove vizije - pružanja kvalitetne umjetničke produkcije u Mostaru, koja doprinosi cjelokupnoj umjetničkoj sceni u BiH.

Street Art Festival Mostar 2022. je tako rezultirao oslikavanjem pet murala, 10 grafita te uređenjem tri „paint state“ intervencije. Zahvaljujući našem partnerstvu program Festivala je dodatno obogaćen te su građani imali priliku družiti se i raditi grafite sa bh. reperom i uličnim umjetnikom Frenkie-jem. Posebno smo ponosni što smo uspjeli povezati naša dva programa te je tako 5 polaznica Job Lab radionica dobilo šansu kroz trodnevnu radionicu učiti o uličnoj umjetnosti te izraditi svoje grafite zajedno sa jednim od najpoznatijih bh. street art umjetnikom Benjaminom Čengićem.



Dugoročne tradicionalne aktivnosti

Tradicionalno, Telemach fondacija od svog osnivanja podržava značajne i svrsishodne filantropske aktivnosti afirmisanih udruženja koja u svom fokusu imaju pružanje podrške najranjivijim kategorijama stanovništva u BiH. U 2022. godini smo u ovu svrhu donirali 46.600 konvertibilnih maraka.



Pink Think - Race for the Cure

Think Pink – Zajedno smo jedno je najuspješnija organizacija u Bosni i Hercegovini koja se bavi osnaživanjem zdravlja žena. Ovo udruženje jednom godišnje organizuje Race for the Cure, utrku/šetnju za ozdravljenje. Jubilarno 15. izdanje Trke/šetnje za ozdravljenje „Race For The Cure“ se realizovalo u 2022. godini. Kao i prethodnih 5 godina, Telemach fondacija i mnogobrojni uposljeni kompanije Telemach tradicionalno su podržali ovaj najveći društveno odgovornog događaja u Bosni i Hercegovini kako bi i na ovaj način dali svoj doprinos osnaživanju zdravlja žena, podizanju svijesti o ranom otkrivanju karcinoma dojke i promovisanju važnosti redovnih pregleda.



Diplomatski zimski bazar 2022

Diplomatski zimski bazar je filantropski događaj koji svake godine organizuje diplomatska zajednica u BiH. Telemach fondacija svake godine tradicionalno podržava ovaj događaj, a prikupljena sredstva se raspoređuju udruženjima roditelja i djece s teškoćama u razvoju.

Novogodišnji paketići za djecu iz socijalno ugroženih porodica

Povodom novogodišnjih praznika pripremili smo iznenađenje za djecu iz 12 manjih lokalnih zajednica, a čije su porodice korisnici usluga centara za socijalni rad i obradovali ih s 500 novogodišnjih paketića. Vjerujemo da smo na ovaj način unijeli radost u njihove domove i izmamili dječje osmijehe. Dodatno smo u decembru pripremili iznenađenje za 15 socijalno ugroženih porodica s djecom i udruženja koja rade s ranjivom djecom i donirali TV prijemnike kao i paketiće te na taj način donijeli novogodišnju čaroliju u njihove domove/udruženja.



Roditeljska kuća - Srce za djecu

Roditeljska kuća pruža drugi dom oboljeloj djeci i njihovim porodicama, nudi porodičnu atmosferu i mjesto, na kojem bar na trenutak, mogu zaboraviti na bolničko liječenje. Telemach fondacija tradicionalno podržava rad udruženja te na taj način doprinosi ostvarivanju njihove jedinstvene i humane misije.

Donacije interneta i televizije



Telemach usluge su važan dio života naših korisnika i neizostavni dio bilo kog posla. Televizija, internet, ali i fiksna telefonija omogućavaju da budemo povezani sa onima koji su nam važni, gdje god se nalazili, informisani putem kredibilnog TV sadržaja, a uz to nam pružaju i razonodu i zabavu.

Zato doniramo Telemach usluge interneta i televizije prije svega obrazovnim i vjerskim institucijama, kao i organizacijama, neprofitnim udruženjima i fizičkim licima u okviru naših programa.

U 2022. godini smo tako na ovaj način podržali 90 institucija i udruženja čime smo postali partneri i dodatno uložili u zajednicu u kojoj poslujemo, učinivši naše okruženje ljepšim i kvalitetnijim mjestom za život. Pored donacije interneta, ove godine smo u cilju unapređenja obrazovnog sistema donirali i 8 računara školama koje ujedno koriste i donirane internet usluge.

Prisutnost u medijima

U fokusu promotivnih aktivnosti Telemach fondacije u 2022. godini bili su svi naši projekti koji su medijski ispraćeni kako kroz tradicionalne, tako i digitalne medije te društvene mreže.

Pored televizija N1 i Nova BH i njihovih portala, kao i portala Klix, Oslobođenje, TNT portal i Bljesak Info, o svim našim aktivnostima izvještavali su brojni lokalni mediji.

REALIZOVANI PROJEKTI U 2022. - Financijski pregled

Job Lab - vještine za budućnost	34.383,33 KM
Program regionalnih grantova 2022.	54.327,82 KM
GOOD HACKathon	18.720,00 KM
Sarajevo Innovation Festival 2022.	7.000,00 KM
Tradicionalne i ostale programske aktivnosti	60.976,18 KM
Ukupan iznos	175.407,33KM

Planovi i ciljevi za 2022. godinu

Punih pet godina trudimo se da ostavimo trag u oblastima u kojima djelujemo i budemo primjer i vjetar u leđa svima koji žele da se pridruže naporima za perspektivniju i osnaženu zajednicu.

Ostajemo vjerni stubovima na kojima vrijedno radimo svih ovih godina, obrazovanju, zaštiti životne sredine i pomoći stanovništvu u velikim nedaćama.

Kroz podršku karijernom savjetovanju srednjoškolcima/srednjoškolkama i realizaciju Job Lab – vještine za budućnost programa, stvaramo put mladima širom BiH ka boljoj budućnosti za sve nas. Kako bi ovaj cilj bio i ostvaren, naredne godine ćemo povećati broj radionica te uvesti nove segmente u same aktivnosti. Posebno nam je bitno širiti krug podrške u okviru dječje ekologije te ćemo u 2023. godini pored radionice za profesore/ce, prvi put provesti i radionicu za roditelje.

Nastavljamo i sa realizacijom Programa regionalnih grantova, platforme koja je u 2022. godini pilotirana i koja je pokazala da se razvojna filantropija korporativnog sektora može uspješno realizovati. Ovim smo poslali društveno odgovorna kompanija koja je uspostavila sistem dodjele grantova udruženjima, tako da ćemo u 2023. godini nastaviti sa implementacijom ove dobre prakse i fokusirati se na proširenje partnerskih udruženja u malim zajednicama čije ćemo projekte podržati u 2023. godini.

Strateška saradnja sa Elektrotehničkim fakultetom u Sarajevu te ostalim tehničkim fakultetima će u 2023. godini i dalje biti dio našeg rada. GOOD HACKathon će tako doživjeti svoje drugo izdanje, a svakako ćemo nastaviti i sa podrškom naučno-istraživačkim konferencijama te festivalima koji promovišu tehnička dostignuća, digitalizaciju, ali i podršku dualnom obrazovanju.

I dalje ćemo da ulažemo u kulturu kroz podršku Udruzi „Rezon“ i njihovom Street Art Festivalu, te doniranjem Telemach servisa kulturno umjetničkim institucijama i organizacijama.

Nastavit ćemo i sa pružanjem podrške tradicionalnim filantropskim aktivnostima. Gledat ćemo u budućnost i inspirisati se dešavanjima iz svakodnevnog života, uvijek s ciljem da sa resursima koji su nam na raspolaganju pomognemo najviše.

U 2023. godini ćemo započeti i sa novim ekološki programom s ciljem širenja svijesti o neophodnim promjenama u životnim navikama građana i građanski BiH kako bismo prirodi oko nas dozvolili da se oporavi i samim tim pomogli sami sebi da budemo zdraviji u čistoj i ljepšoj životnoj sredini.



Hajdi Mostić

Predsjednica Upravnog odbora Telemach fondacije

Gospođa Hajdi Mostić je CCO Telemacha BH od 2014. godine.

Završila je MBA, na A. B. Freeman School of Business na Tulane Universitetu u New Orleansu u Americi. Dobila je nagradu za izvrsnost, Annual Tulane Business Alumni Award.

U međunarodnim ekonomsko-finansijskim sferama gospođa Mostić poznata je kao osoba izuzetnih referenci i iskustva u radu na liderskim pozicijama poznatih međunarodnih finansijskih institucija.

Gospođa Mostić zbog predanosti misiji i vrijednostima Fondacije predstavlja ključnu osobu za pokretanje i implementaciju svih projekata društvene odgovornosti. Osim svoje uloge u Upravnom odboru, gospođa Mostić također je angažovana brojnim filantropskim aktivnostima u BiH s ciljem stvaranja pozitivne promjene u našem društvu.

Od osnivanja Telemach fondacije 2017. godine, predvodi ovaj tim kao predsjednica Upravnog odbora.



Admir Drinić

Član Upravnog odbora Telemach fondacije

Gospodin Drinić je CEO Telemach kompanije u BiH, a kompaniji se pridružio 2013. godine.

Diplomirao je Ekonomski fakultet univerziteta za poslovne studije u Banja Luci 2009. godine.

Gospodin Drinić iza sebe ima uspješnu karijeru, a bogato iskustvo je sticao u velikim bh. kompanijama kao član top menadžmenta i uprave.

Posvećen je razvoju visokokvalitetnih poslovnih strategija, motiviranju zaposlenih te vođenju operacija kako bi se ostvarili izuzetni poslovni rezultati po kojima je kompanija Telemach BH poznat u zemlji i regiji. Zahvaljujući ovim kvalitetama svojim angažmanom ostvaruje trajan uticaj na naš odbor i zajednice kojima služimo.

Kao član Upravnog odbora Telemach fondacije je od njenog osnivanja 2017. godine.



Amir Zukić

Član Upravnog odbora Telemach fondacije

Gospodin Zukić, direktor programa na N1 BiH, je medijski menadžer, urednik i voditelj. Diplomirani je žurnalista Fakulteta političkih nauka u Sarajevu. Postdiplomski studij iz ekonomije završio je na univerzitetima u Torinu i Sarajevu. U dvadesetogodišnjoj novinarskoj karijeri znanje i vještine sticao je u domaćim i međunarodnim radio i TV stanicama, novinama i agencijama. Prošao je sve stepenice u medijskom biznisu: bio je reporter sa ulica, istraživač, producent, presenter, urednik radijskih i TV emisija, glavni urednik i direktor.

Gospodin Zukić je posvećen najvišim profesionalnim standardima kako u svom novinarskom radu, gdje se ističe svojom direktnošću i kreativnošću, tako i u svom angažmanu u filantropiji, gdje se ističe svojom odgovornošću i zahtjevnošću, uvijek težeći najboljim rezultatima kako za sebe tako i za svoju zajednicu. Član Upravnog odbora Telemach fondacije od 2017. godine.



Deni Selimić

Član Upravnog odbora Telemach fondacije

Gospodin Selimić je CFO u kompaniji Telemach BH od 2020. godine. Završio je Ekonomski fakultet u Sarajevu, a dio Telemach ekipe je od 2016. godine. Svoju karijeru započeo kao revizor u Deloitte d.o.o.. Iza sebe ima brojne projekte iz domena finansijske revizije, forenzike, dubinskih kontrola i analiza finansijske isplativosti ulaganja.

Gospodin Selimić je finansijski ekspert koji koristi svoje stručno znanje i filantropijsku strast kako bi pružio dragocjene uvide i smjer radu naše Fondacije, osiguravajući da sredstva budu najučinkovitije iskorištena za dobrobit zajednica. Odabran je za člana Upravnog odbora Telemach fondacije 2022. godine.



Maja Tursinović

Direktorica Telemach fondacije

Gospođa Maja Tursunović je iskusna menadžerica u nevladinom sektoru koja je posvetila svoju karijeru razvoju i implementaciji programa usmjerenih na zaštitu i participaciju mladih te razvoj lokalnih zajednica. Maja je kroz dugogodišnji rad pokazala duboko razumijevanje složenosti razvoja programa i upravljanja u neprofitnom sektoru. Ona posjeduje bogato iskustvo u kreiranju i implementaciji uspješnih inicijativa koje promovišu osnaživanje mladih, angažman zajednice i društvenu pravdu.

Na poziciji direktorice Fondacije je od 2021. godine.

telemach

FONDACIJA

2 0 2 2 .